



Inatsisartunut ilaasortaq

Hans Enoksen, Naleraq

/maani

Maskiinat puukunik utertitsisarfiit maskiinat pillugit § 37 naapertorlugu apeqquteqaammur nr. 195-2021-mut akissut

Asasara Hans

Inatsisartut suleriaasianni § 37, imm. 1 naapertorlugu maskiinat puukunik utertitsisarfiit stregkode-nillu atuaasarnerit pillugit Naalakkersuisunut apeqquteqaateqarputit.

Apeqqutit uannit akissassanngorlugit innersuunneqarput.

- 1. Nunaqarfiit illoqarfiillu minnerit Nuummisuullu allallu illoqarfiit annerusunituulli stregkodemik atuaasinnaasunik utertitsivinnut atortorissaarutit [returneringsmaskine] peqanngitsut, sulisunullu toqqaannaq utertinneqartartut, Naalakkersuisut pisortaqarfiisalu tamanna ilisimanerpaat?**

Akissut:

Aap, illoqarfinni minnerni nunaqarfinnilu pisiniarfilinni maskiinanik utertitsisarfinnik, stregkodemik atuaasinnaasunik peqanngitsoq Naalakkersuisunit ilisimaneqarpoq. ESANI-mit oqaatigineqartut malillugit maannarpiaq nunatsinni sullitat, imminnut sinnerlutik sullissisuusut 108-nik amerlassuseqarput. Taakkununga pisiniarfiit, kioskit, neriniartarfiit peqatigiiffiillu ilaatinneqarput.

- 2. Naalakkersuisut § 37 apeqqummut nr. 184-2024 akissuteqarnerminni imatut akissuteqarput "... stregkode-a qillertuusami illoqissersimasumi imaluunniit kigartorsimasumi atuarneqarsinnaanani, pisiniarfiit puukoq tiguniarnagu aalajangersinnaapput". Sumiiffinni sulisumut toqqaannaq utertinneqartarfiusuni inatsisit qanoq atuutsinneqarpat? Uani sulisup stregkode-nut atortorissaaruteqanngitsoqarfimmi poortuutunik utertitsinissamut qaqugukkut itigartissinnaatitaaneri itisilerlugu nassuiaatigeqquneqarpoq.**

Akissut:

Puukut, pisiniarfinni tiguneqartartut stregkodemik sulit maskiinanik atuarneqarsinnaasussaapput. Tassami puukut puunut poortukkat pisiniarfinniit ESANI-mut utertinneqaraangata puukut isumagineqartussaapput, aammalu bulkmaskiinanik taane-

Brevdato: 18-09-2024
Sagsnr.: 2024 - 17086
Akt-id: 24529331

Postboks 1614
3900 Nuuk

Tlf.: (+299) 34 50 00

Fax: (+299) 34 54 10

E-mail: pan@nanoq.gl

www.naalakkersuisut.gl

qartoq, puukunik amerlasuukkaaraluni kisitsiffiusinnaasoq atorlugu kisinneqartussaallutik.

ESANI Pilersuisup pisiniarfiini sulisunut puukut tiguneqartut qanoq ittuunissaanut ilitsersuusiorsimavoq:

- Stregkodi atuarneqarsinnaasussaavoq.
- Puukoq sammiviit ilaanni singarneqartussaannngilaq.
- Puukup ilaa singarneqarsinnaavoq kigarneqarsinnaalluniluunniit.
- Igalaamernit ilivitsuusussaapput.
- Puukoq imaarneqarsimassaaq mingutsinneqarsimasussaanilu.

Puukoq piunasaqaatinik taakkuninnga naammassinniffiunngippat pisiniarfinniit tigujumaneqannngissinnaavoq. ESANI-p pisortaa uagutsinnut allappoq, nalornisoqartillugu puukup tigujumaneqannngitsup assilinera ESANI-mut nassiunneqarsinnaasoq,

taamaalilluni puukoq tigujumaneqannngitsoq qanoq annertutigisumik ajoqusersimanersoq paasiniaanissamat ikiuutaasinnaammat.

Inussiarnersumik inuulluaqqusillunga


Kalistat Lund



Inatsisartut suleriaasianni § 37 imm. 1 naapertorlugu, Naalackersuisunut apeqqutit matumuuna allakkatigut saqqummiunneqarput.

Naalackersuisunut apeqqutit:

1. Nunaqarfiit illoqarfiillu minnerit Nuummisuullu allallu illoqarfiit annerusunituulli stregkode-mik atuaasinnaasunik utertitsivinnut atortorissaarutit [*returneringsmaskine*] peqanngitsut, sulisunulli toqqaannaq utertinneqartartut, Naalackersuisut pisortaqarfiisalu tamanna ilisimanerpaat?
2. Naalackersuisut § 37 apeqqummut nr. 184-2024 akissuteqarnerminni imatut akissuteqarput "*... stregkode-a qillertuusami iloqissersimasumi imaluunniit kigartorsimasumi atuarneqarsinnaanani, pisiniarfiit puukoq tiguniarnagu aalajangersinnaapput*". Sumiiffinni sulisumut toqqaannaq utertinneqartarfiusuni inatsisit qanoq atuutsinneqarpat? Uani sulisup stregkode-nut atortorissaaruteqanngitsoqarfimmi poortuutunik utertitsinissamut qaqugukkut itigartissinnaatitaaneri itisilerlugu nassuiaatigeqquneqarpoq.

(Inatsisartunut ilaasortaq Hans Enoksen, Naleraq)

Tungavilersuut:

Utertitsivinnut atortorissaaruteqarfiusut assigisaanillu pillit taamaallaat aallaavigerpalullugit Naalackersuisut ersarissaaniaraluarlutik apeqqutinut akissuteqarput.

Pilersuisoqarfiusunili, tassa illoqarfiit nunaqarfiillu minnerusuni utertitsivinnut atortorissaaruteqanngiffiusuni, poortuutunik utertitsinissamut ajornakusoortitsisarneq tusarsaaleriartuinnartillugu apeqqutit taamaattut ingerlateqqinneqarput.

Apeqqutigineqartut ullut suliffiusut qulit (10) iluanni akineqareersimanissaat piumasarineqarput. Nutsernerani paatsuungasoqassatillugu kalaallisut allassimasoq aallaavigineqassaaq.